

AGERRALDIAK. Hezkuntza eta Osasun sailburuek legealdian abian jarriko dituzten lan ildo nagusiak azaldu dituzte

Jaurlaritzak oposizioak iragarri ditu irakaskuntzan eta Osakidetzan

Anjeles Iztuetak 1.500 lanpostu eskainiko direla dio, eta Gabriel Inclanek lekualdatzeen lehiaketa bat egingo dela

Luis Karlos Garcia | GASTEIZ

Eusko Jaurlaritzak bere bi sailbururen agerraldi parlamentarioen bidez iragarri zituen atzo datozen urteetan egin beharreko hiru Lan Eskaintza Publiko. Izan ere, Osasun sailburu Gabriel Inclanek jakinarazi zuen bi oposaketa eta lekualdatzeen lehiaketa bat egingo direla legealdi honetan.

Osasun kontseilariak esan zuen langileria buruzko politika berrikusteko asmoa daukala: «Dena aztertuko dugu atzera, langileen aukeraketa prozesutik hasi eta lan garapenean amaituz, langile-politika behar-ginintzat beraiantzat pizgarri bilaka dadin».

Bestalde, Hezkuntza, Unibertsitate eta Ikerketa kontseilari Anjeles Iztuetak ere langile-politikaren garrantzia gailendu zuen. Atal horretan ari zela, hiru erronka aipatu zituen: «Ordezkapenentarako hautagaien zerrendaren kudeaketa, ordezkoen egonkortasuna eta Lan Eskaintza Publikoa». Araba, Gipuzkoa eta Bizkairako irakaskuntza publiko ez unibertsitarioan 1.500 lanpostuko eskaintza egingo dela aipatu zuen, eperik zehaztu ez bazuen ere.

PSE-EEK uste du 1994tik ez dela ezer egin langile-politikan

Iztuetaren iragarpenak talde parlamentario batzuen erreakzioa sortu zuen. Adibidez, PSE-EEko eledun Isabel Celaak ontzat hartu zuen sailburuaren iragarpena, eta indar handiz ohartarazi zion langilerian duen «arazo larriaz». Sozialistaren ustez, «batere lanik ez da egin langilerian 1994. urteaz geroztik». Hala, Langileria Gazteagotzeko Plana «ezinbesteko» dela esan zion Iztuetari.

Bestalde, Gabriel Inclanek azalpenak eman zituen denboraldi labor batez Osasun Sailean aholkulari aritutako Inaxio Oliveriren aferaz, PPko Ricardo Huesok «etikarik eza» leporatu ondotik. Osasun sailburuak haserre biziaren erantzun zuen izendapenak egiteko «ahalmen osoa» daukala, eta, nolana ere, Inclanek arrazoitu zuenez, «toki bat uzteak ez du esan nahi besteren batean aritzeko egokia ez zarenik».

SAILBURUEN ERARONKA NAGUSIAK

Osakidetza Euskalduntze Plana «buruturik» dago

Jaurlaritzako Osasun sailburu Gabriel Inclanek euskalduntzeko lana gailendu zuen datozen urteetarako erronkak aipatzean:

EUSKALDUNTZEA. Gabriel Inclanen arabera, «buruturik» dago Osakidetza Euskalduntze Plana. Abian jartzerakoan «malgutasuren» jokatu dela ziurtatu zuen, «beti ere baliabideen nahiz helburuen arabera». Planari «bi aldeetatik» helduko diotela aurreratu zuen, baina biziki txalotu zuen «irtenbide orekatua» delako. Argi utzi zuen euskalduntzeak aurrera egin dezan «erabateko borondatea» dagoela.

OSASUN PLAN BERRIA. Sailburutzak prest dauka Osasun Plan berria, eta «laster» helaraziko du Eusko Legebiltzarrera. Inclanek minbiziaren nahiz bihotzeko eritasunei buruzko ekimenak azpimarratu zituen.

ITXARON ZERRENDAK. Kontseilariak jakinarazi zuen «atzerapen tarte handiena» erab



MIREN SAEZ
Gabriel Inclan Osasun sailburua, Osasun Batzordeko kideekin hizketan.

biliko dela, hots, gaixo batek gehien jota itxaron dezakeen tarte inola ere ez gaitzekoa. Inclanek ustez, itxaron zerrenden auzia, guztiz konpontzerik izan ezean, kudeatu beharra dago, eta, hala, gehiago itxoiterik ez duen gaixoa beste ospitaleren batera bidaltzeko aukera emango da.

INBERTSIOAK. Datorren ekitaldian 9.000 milioi pezeta inbertituko dira (440 milioi

libera) hamaika osasun zentro nahiz bestelako lanak egin edo konpontzeko. Donostia Ospitaleko aparkalekua nahiz sarrerak moldatuko direla esan zuen.

ERNE MINISTERIOAREKIN. Inclanek «erne» jardungo du eskumenak Espainiako Gobernuaren aurrean defenditzearen. Ezer esaterik ez badu, Madrilen segundo bat alferrik ez duela galduko erantsi zuen.

Iztuetak alderdien «elkarlana» eskatu du Eskola Itunari ekiteko

Hezkuntza, Unibertsitate eta Ikerketa buruak euskara hutsezko mintzaldi luzea eskaini zuen legealdiko jomugak azaltzeko:

ESKOLA ITUN BERRIA. Anjeles Iztuetaren agerraldiaren ezaugarrietako bat izan zen talde parlamentarioei behin eta berriz «elkarlana» eskatu ziela hezkuntzak dituen erronkei aurre egiteko. Hala egin zuen, esaterako, datozen hilabeteetan egin beharreko Eskola Itun berriaz ari zela.

UNIBERTSITATE LEGEA. Sailburuak berretsi zuen Jaurlaritzak orain arte emandako doktrina PPren Unibertsitate Legeaz. Espainiako Gobernuaren testuak EAEko Unibertsitateak «kinkan» jartzen dituen gero, «adostasunean» oinarritutako lege-di propioa egin beharra dagoela uste du. Gainera, «euskal gizarteak unibertsitate sistema propioa eratzeke duen nahia» ohartarazi zuen. PPK gaitzetsi zuen Iztuetaren adierazpena, PSE-EEK ministroaren



MIREN SAEZ
Anjeles Iztueta eta Martin Aranburu, atzo, Eusko Legebiltzarreko Hezkuntza Batzordean.

legea kritikatu zuen, eta EAJko Txomin Aurrekoetxeak bat egin zuen Iztuetarekin eta lege propioa «lehenbailehen» egin behar dela esan zuen.

0-3 TARTEA. Hilaren amaieran erakundearteko batzordea hasiko da lanean 0 eta 3 urte bitarteko haurren tarteari heltzeko. Iztuetak «ikuspegi zabalez» jokatu dela ziurtatu zuen, «hezkuntza zein zaintza arloak hartuta».

LANBIDE HEZIKETA. Garrantzi handia eman zion kontseilariak bere azalpenetan. Horren isla da legealdion sailburuordetza sortu duela propio Lanbide Heziketa bultzatzeko. Hezkuntza Sailak Lanbide Heziketari nahiz Etengabeko Ikasketari buruzko Liburu Zuria taxutuko du.

BEKA POLITIKA. Orain artekoa berrikusiko da. Sistema berria progresiboa izango da, eta aintzat hartuko du familia tipoa.